



Data: 22.02.2019

Ref.: 3001/1910

Në mbështetje të Nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetërorë i Cilësisë (KShC), në mbledhjen e 61-të, të mbajtur më 15 dhe 16 janar 2019, mori:

## V E N D I M

1. Tërhiqet akreditimi i programeve të studimit të Kolegjit Biznesi si më poshtë:
  - 1.1 Juridik, LLB, 240 ECTS;
  - 1.2 Menaxhimi i Emergjencave, BA 180 ECTS (Kampusi në Prishtinë), dhe
  - 1.3 Menaxhimi i Emergjencave, BA 180 ECTS (dega në Vushtrri).
2. Ky vendim hyn në fuqi me nënshkrimin e tij.

## Arsyetimi

Këshilli Shtetëror i Cilësisë (tash e tutje KShC) me qëllim të përmbushjes së obligimeve ligjore dhe me qëllim të ngritjes së cilësisë në arsimin e lartë, me datë 11.06.2018 ka njoftuar të gjitha IAL-të se nuk do të toleroj mospërmbushje të kriterëve të cilat derivojnë nga dispozitat ligjore që rregullojnë fushën e arsimit të lartë, dhe se në secilin rast të konstatimit të mungesës së stafit akademik sipas dispozitave ligjore në fuqi, do të procedoj me tërheqje të akreditimit.

Pas deklarimit të stafit akademik të IAL-ve sipas Nenit 30 të UA për Akreditim, AKA ka filluar me verifikimin e dokumentacionit të tyre me qëllim të konfirmimit të plotësisë apo jo të kriterëve ligjore për secilin program të studimit. Në mbledhjen e mbajtur me 15 dhe 16 janar 2019, KShC analizoi në detaje të gjithë dokumentacionin e secilit staf akademik të vendosur si bartës të programeve nga Kolegji Biznesi. Pasi analizoi të dhënat rreth numrit të stafit dhe fushat e studimit për secilin program të studimit, KShC vendosi si në dispozitiv të këtij vendimi.

Sipas pikës një (1) të nenit 21, të UA për Akreditim, "AKA e rezervon të drejtën të monitorojë dhe të kontrollojë cilësinë e institucioneve të akredituara në çfarëdo kohe me paralajmërim". Sipas pikës dy (2), "AKA mund të rishqyrtoj akreditimin e dhënë në çfarëdo kohe dhe/apo më pas të tërheq vendimin e sajë për akreditim nëse kushtet e dhëna me rastin e akreditimit janë shkelur".



Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpiejnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Ndërsa në Nenin 30 të Udhëzimit Administrativ për Akreditim, thuhet: *“IAL-të, duhet të dorëzojnë deklaratat e stafit akademik të angazhuar jo më larg se data 31 tetor”*, pra IAL janë të obliguara që të deklarojnë stafin akademik më së largu deri me 31 tetor 2018. Sipas pikën 3 të Nenit 30 të UA për Akreditim, *“Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”.*

1. **Për programin e studimit: Juridik, LLB, 240 ECTS**, si bartës të këtij programi Kolegji Biznesi ka paraparë këta persona: Shpendim Oxha, Muhamet Racaj, Sejdefa Gjafqë dhe Lulzim Farizi.

Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpiejnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Ky program ka 240 ECTS dhe rrjedhimisht sipas Nenit 26, pika 5.3.4 e UA të referuar më lartë, për këtë program të studimit Kolegji Universi, duhet të ketë të paktën katër staf akademik me gradën akademike PhD me marrëdhënie të rregullt të punës nga fusha e programit të studimit. Pas kontrollimit të dokumentacionit për stafin akademik të vendosur nga Kolegji Biznesi për programin e studimit, *Juridik, LLB, 240 ECTS*, është konstatuar që ky program nuk ka staf të mjaftueshëm të fushës së programit të studimit, sipas Nenit 26, pika 5.3.4 e UA për Akreditim. Shpendim Oxha me PhD në Filozofi dhe Shkenca Politike, Lulzim Farizi me PhD në Shkenca Politike dhe Muhamet Racaj me PhD në Studimet e Sigurisë. Bazuar në fushën e studimit të stafit të referuar më lartë, KShC erdhi në përfundim që asnjëri nga tre bartësit e cekur më sipër nuk i përkasin fushës së programit të studimit, andaj mori vendim si në dispozitiv të këtij vendimi.

Bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit akademik për këtë program të studimit sipas pikës 5.3.4 të Nenit 26 dhe bazuar në pikën dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Juridik, LLB, 240 ECTS*.

2. **Për programin e studimit: Menaxhimi i Emergjencave, BA 180 ECTS (Kampusi në Prishtinë)**, si bartës të këtij programi Kolegji Biznesi ka paraparë këta persona: Imerlije Alili, Milazim Shabani dhe Dije Dehari.

Sipas Nenit 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpiejnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit,*



*institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Ky program ka 180 ECTS dhe rrjedhimisht sipas pika 5.3.4 të nenit 26, të referuar më lartë, për këtë program të studimit Kolegji Biznesi, duhet të ketë të paktën tre staf akademik me gradën akademike PhD me marrëdhënie të rregullt të punës nga fusha e programit të studimit. Pas kontrollimit të dokumentacionit për stafin akademik të vendosur nga Kolegji Biznesi për programin e studimit, *Menaxhimi i Emergjencave, BA 180 ECTS (Kampusi në Prishtinë)*, është konstatuar që ky program nuk ka staf të mjaftueshëm të fushës së programit të studimit, sipas Nenit 26, pika 5.3.4 e UA për Akreditim.

Pas kontrollimit të dokumentacionit rreth kualifikimit të stafit akademik të vendosur nga Kolegji Biznesi për programin e studimit, *Menaxhimi i Emergjencave, BA 180 ECTS (Kampusi në Prishtinë)*, është konstatuar që stafi akademik i prezantuar si bartës të këtij programi: Imerlije Alili (PhD Shkenca mbi Tokën (Klimatologji), Milazim Shabani (PhD Kimi), dhe Dije Dehari (PhD në Kimi) nuk i takojnë fushës së programit të studimit *Menaxhimi i Emergjencave*, dhe të njëjtit nuk mund të jenë bartës të këtij programi.

Bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit akademik të fushës së programit të studimit sipas pikës 5.3.4 dhe pikës dy (2) të Nenit 21 të Udhëzimit Administrativ për Akreditim, të tërheq akreditimin për programin e studimit *Menaxhimi i Emergjencave, BA 180 ECTS (Kampusi në Prishtinë)*.

3. Për programin e studimit: *Menaxhimi i Emergjencave, BA 180 ECTS (dega në Vushtrri)*, si bartës të këtij programi Kolegji Biznesi ka paraparë këta persona: Ibush Luzha (PhD in Geology and Mining), Shefket Dehari (PhD in Chemistry), Burim Haxhibeqiri (PhD in Agriculture and Enviroment), Agron Millaku (PhD in Nanoscience and Nanotechnology).

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*


Pas kontrollimit të dokumentacionit për stafin akademik të vendosur nga Kolegji Biznesi për programin e studimit, *Menaxhimi i Emergjencave, BA 180 ECTS (dega në Vushtrri)*, u konstatua që ky program nuk ka staf të mjaftueshëm të fushës së programit të studimit, sipas Nenit 26, pika 5.3.4 e UA për Akreditim. : Ibush Luzha, është PhD Gjeologji dhe Miniera; Shefket Dehari, PhD në Kimi, Burim Haxhibeqiri PhD në Bujqësi dhe Mjedis, Agron Millaku, PhD në Nanoshkencë dhe Nanoteknologji nuk i përkasin fushës së *Menaxhimit të Emergjencave*, dhe të njëjtit nuk mund të jenë bartës të këtij programi. Bazuar në fushën e studimit të stafit të referuar më lartë, KShC erdhi në përfundim që asnjëri nuk i përket fushës së programit të studimit andaj mori vendim si në dispozitiv të këtij vendimi.

Andaj bazuar në faktet e prezantuara me sipër dhe dispozitat ligjore të sqaruara me lartë, KSHC vendosi që në mungesë të stafit akademik të fushës së programit të studimit sipas pikës 5.3.4 dhe 5.3.11 të nenit 26 dhe pikës dy (2) të nenit 21 të Udhëzimit Administrativ për Akreditim, ta tërheq akreditimin për programin e studimit *Menaxhimi i Emergjencave, BA 180 ECTS (dega në Vushtrri)*.

**Këshillë juridike:** Kundër këtij vendimi pala e pakënaqur mund të paraqes ankesë sipas Nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 ditësh nga dita kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- BPrAL Kolegji "Biznesi";
- MASHT-it;
- Arkivit të AKA-së.



---

Prof. Dr. Gazmend Luboteni  
Kryetar i Këshillit Shtetëror të Cilësisë